

مجموعه ابو الضیاء

ماسوا شایسته شدن دلی تطهیر و پالاش
بر تو حکمت و عرفان الهی توره آتش

علوم و معارفدن بحث ابدی. و هر ماه عربی ابتدا سیه اون بشده نشر اولور مجموعہ درین

عدد ۲۳ - جلد ۲ [۱۵ شعبان سنه ۱۲۹۹ [نفعده سی ۳۱ عروشن

ملاحظه تاریخی

شهزاده مشار الیه سلیمان قانونی کبر اولادی ایدی . سبب
 شهادتی حقنده تاریخلرمزک و یردیکی معلومات، حدذاتنده کره اولان
 وقعه فالجعه بی ستر مقصدیله ایراد ایدیلان تأویلات ایچنه قارشمش
 اولدیغندن حقیقت حالی کشف و استخراج همان مرتبه استحالهیه وارمشد .
 یازدیغی شیلرده حسیات ملیه سنه تعلق اولمیان احوالده راست
 کویلیغی التزامدن کری طورمیان و تحقیق و تبعده مهارتی درکار اولان
 (هامر) بو وقعه نك استبار ایتش اولدیغی ریب و کان شائبه لری بر
 درجهیه قدر رفع ایتکه چالشمشدر . آنک قولنجده وقعه براوگی والدہ نك
 - مقام سلطنته دردنجی درجهده نامزد اولان - ولد صلیبسی ولی عهد
 ایتدیرمک مقصدندن حادث اولمشدر . چونکه سلطان سلیمانک مصطفی،
 سلیم، محمد، بایزید، جهانگیر، مراد، محمود و عبدالله نامنده سکر
 شهزاده سیله مهر ماه نامنده بر کریمه سی وار ایدی . بونلردن محمد، مراد
 محمود و عبدالله اسمنده اولان شهزاده لر اولجیه وفات ایده رک شهزاده
 سلطان مصطفی ایله سلیم و بایزید ایله جهانگیر حیاتده ایدیلر . بایزید ایله
 جهانگیر ایسه (رخسا - آل) نامنده بر فرانسز پرنسسندن متولددرکه
 مومی الیها فرنک تاریخلرنده (روخسولان) دیه معروفدر .

رخسار آل عقل و ذکاوت و حسن و ملاحی جهتیله سلطان سلیمان
 عندنده فوق الغایه مقبول ایدی . خصوصاً مهر ماه سلطان دخی مومی
 الیهانک کریمه سی اولدیغنده، دامادی و وقتک صدر اعظمی بولسان رسم
 پاشایی خارجاً اتقاد مرامنده استخدام ایلر ایدی . کندیسى نزد پادشاهیده
 دائماً شهزاده سلطان مصطفی حقنده اظهار شفقت و محبتله حمایت
 کوسترردی . دامادی ایسه شهزاده حقنده عقیده پادشاهی بی اخلال
 ایده جک مسائل استحضارندن کری طورمزدی . مثلاً شهزاده بی یرار

ایمک ایچون صیق صیق منصب د کشدیر برلر ایدی . شهزاده ایسه مقصدی بیلدیکی ایچون قطعاً مطاوعتدن آیرلزدی . نهایت مأمول ایتدکاری یولده شهزاده دن هیچ بر حرکت کوره مدکارندن ساخته بر مکتوب ترتیب ایده رک، پادشاهه تقدیم ایلدیلر . بو مکتوب مشارالیهک خط و مهرینه یک موافق صورتده تقلید ایدلش ایدی . حضرت پادشاه مکتوبی اوقونجه فوق الغایه منفعل اوله رق، چونکه کندیزی ایران سفرینه متعازم بولندیغی جهتله او یله بر زمانده وارث سلطنتی اولان اکبر اولادینک کندی علیه قیام ایمک عزمنده بولمسنی یک چرکین کورمش ایدی . بناء علیه یأس و غضبدن مرکب بر چهره ایلر رخسار آلك یانه کیده رک، « ایشته جایه ایتدیکک مصطفی نک مقصد و معرفتی کور » بوللو بر خطاب ایلر مکتوبی ارانه و مندرجاتنی افاده ایدنجه مومی الیا کویا ایشدن خبردار دکلش کبی شهزاده نک بویله بر مکتوب یازمق دکل بویله بر نیتده بیله بولمق احتمالی اولدیغندن بخلله مکتوبک ساخته اوله بیله جکی حقنده یمیلر، قسملر ایلر پادشاهی تأمیننه چالشدی . فقط پادشاهک بر کره فرزندنی حقنده بویله بر عقیده حاصل ایتدکدن صکره آنی تصحیح ایتکلکی محال ایدی . بو آرائق ایسه شهزاده، سنت سفیهیه امتثالاً ارسال لویه ایلدیکنی خاکبای شاهانهیه عرض ایلسندن بو خصوص دخی منویانسه بر مقدمه صورتده تلق اولندی . نهایت ۹۶۰ سنه هجریه سی شوانک یکرمغی کونی ایران سفرینه متوجها ارکلی جوارنده (آق اوویک) دنیلان محله شهزاده مشارالیهک بدریله ملاقات ایچون خیمه پادشاهییه کیررکن اشارت همایون ایلر بونی اولدی . مکررستم تاریخ شهادتیدر . لطایف

بعض معلومات فیه

فتح میت اصولیه آچیلان باشلر میسانده شمیدی به قدر تاریخ طبک